


33,6 milliuns per sviament

La regenza grischuna ha surdà l'incarica per construir in nov tunnel a Silvaplauna

■ (cc) La regenza grischuna ha surdà l'incarica per construir in nov tunnel da sviament a Silvaplauna. L'aggiudicaziun per l'incarica en l'import da 33,6 milliuns francs ha survegni la CSC interpresa da construcziun SA da Lugano. Il tunnel d'ina lunghezza da 750 meters che ha ina pendenza longitudinale dad 8,5 pertschient è il coc dal sviament da Silvaplauna d'ina lunghezza da 1470 meters. Il tunnel vegn exchavà cun ina tendenza diminuinta ed en la tecnica d'avanzar minond. En quest connex resultan 76 000 meters cubic grip e 20 000 meters cubic material luc. Ultra da las installaziuns usitadas per la segirezza tecnica vegnan realisadas en il tunnel tschintg sortidas da fugia en ina distanza da mintgamai 125 meters. Las lavurs d'impressari cumenzan questa primavaira.

Il project dal sviament da Silvaplauna è vegnì approvà l'onn 2005 da la regenza. L'emprima palada uffiziala ha gi lieu il zercladur 2010. L'emprim è vegnì realisà il provediment d'aua ch'è necessari per il plazzal e per il manaschi posteriur dal tunnel. A medem temp è vegnida amplifitgada la via dal Güglia davent dal futur portal dal tunnel Pignia en direcziun dal culm dal pass sin ina lunghezza da ca. 250 meters. Per il project da sviament vegni fatg quint cun custs totals da 70 milliuns francs. L'avertura dal sviament è planisada per l'onn 2016.



Il tunnel d'ina lunghezza da 750 meters cun ina pendenza dad 8,5 pertschient è il coc dal sviament da Silvaplauna d'ina lunghezza da 1470 meters.